



57.
DIVINA FAVENTE GRATIA

COLLEGI JURIDICI

DISPUTATIO V.

De

**DONATIONE
SIMPLICI.**

SUBPRÆSIDIO.

M. JACOBI BLÜMELI LIPSI-
ENSIS J. U. LICENTIANDI

In Illustri Lipsiensium Academia habenda.

CHRISTOPHORO STUBNERO
GORLICIO.

4. die Aprilis.

ANNO MDCCXV.



Hala-Saxonum,

Typis CHRISTOPHORI BISMARCI.

1615, 2 / M

MM

2





Amplissimum & Clarissimum

**DN. M. CHRISTOPHORUM
STAUDEN REIPUB. GORLIC. AUGUSTÆ
Senatorem spectatissimum.**


*Dn. Fautorem Patronum & Mecœnatem meum
suspiciendum colendum*

Hoc exercitio saluto

Eiq;

**Observantiæ & promptitudinis Testimo-
nium publ. pono**

CHRISTOPHORUS STUBNER.


Cum materia Donationum sit insignis, utilis &
non admodum infrequens, placuit de eadem
impræsentiarum *a* agere

a Apulejus in lib. de DEO Socratis ibi: Atq; adeo hic sit impræsentiarum pag. (mibi) ex Editione Joan. à Wouuer 87. idem ibidem ac omitteret cæpta impræsentiarum.

CONCLUSIO I.

Donatio à dono, quasi doni datio nominata est.

l. senatus 35. §. donatio ff. de mort. ca. don; quemadmodum Novatio à novo, q nova obligatio l. 1. in pr. ff. de Novat. Petrus Greg. Tholos. syntag. lib. 28. cap. 7. no. 3. Schneid. n. 5. inst. h. t. Disb. Varro lib. 4. de ling. lat.

II.

Hæc definiiri potest contractus *a* juris gentium *b* nominatus *c* stricti juris *d* consensu constans *e* quo res aliqua donandi animo *f* in alterum *g* confertur.

a Rectè contractus definitur 1. propter l. si quis emtionis 7 in pr. ibi. Ex quocunque titulo sive Donationis, sive alterius contractus, quæ dictio alterius est inclusiva gl. hic, ideoq; Donationem contractum esse evidenter probat C. de præscript. 30. ann. 2. Iuvatur l. fin. ubi Decius no. 10. C. de pactis ibi: Donationem neq; alium contractum, quæ vocula neq; similitudo notatur, teste eodem in l. requirendi 2. C. de serv. fugitivis. 3. Confirmatur l. eum qui 22. in fin. h. t. argumento à contrario sensu desumpto. 4. Colligitur hoc ex Auth. ut sponsalitia largitas, ubi Imperator ait, quod sponsalitia largitas specialis contractus sit, & paulò post subdit, quod non alijs donationibus ea connumeretur Nov. 119. cap. 1. quæ dictio alijs ex sui natura est relativa & representativa
A 2 ejusdem

eiusdem qualitatis precedentis c. fin. de pact. in 6. ubi not. per
Arch. Dd. in l. non solum 39. §. queritur vers. ceteros ff. de pro-
cur. 5. Huc facit Auth. Sacramenta puberum C. si adversus
venditionem ubi textus de contractibus puberum ad donatio-
nem à Doctōribus communiter extenditur, quæ si contractus non
esset inconveniēter istis accenseretur Riminaldus super Rb. de
Don. n. 30. 31. & seqq. Tholos. d. lib. 28. cap. 7. no. 5. Heigius ad Rb.
de donat. no. 7. in Instit. Mozzius tract. de don. in pr. no. 8. Wes.
no. 2. ff. h. t. Dis. Cont. 1. lib. disp. 12. qui actum: Försterus disp. 10. th.
2. qui conventionem: Gerhard. decad. 6. th. 7. qui Liberalitatem:
Cotta disp. 10. th. 23. qui liberalem alienationem: Cramerus disp.
10. th. 2. qui modum acquirendi generis loco ponunt, alij aliter. b
Quia apud omnes gentes nullo non tempore usurpata est Nica-
sius de Voerda ad §. est & aliud inst. h. t. pag. (mibi) 126. 2. & solo
cōsensu, quod contractibus juris gentium competit l. origo, in fin.
ff. de contr. Emt. perficitur l. si 2. §. cum vero 2. ff. h. t. 3. nec non in-
ter modos acquirendi juris gentium refertur §. per traditionem
Inst. de rer. divis. & c. Heig. ad Rb. instit. h. n. 6. Dis. Försterus:
Don. Enucl. 5. com. 2. lit. b. Cramerus & alij. c. Habuit enim Do-
natio semper nomen elegans & speciale, quo à reliquis contra-
ctibus secernitur gl. in Rb. C. de rer. permut. 2. Quia nec olim
pœnitentia in ea locum habuit, quod secus est in contractibus in-
nominatis l. si pecuniam 5. ff. de condict. ca. data & c. 3. Sicuti Em-
tio. venditio est contractus nominatus l. juris gentium 7. ff. de
pact. ita & Donatio, quæ ad exemplum istius introducta est l. si
quis argentum 35. in fin. C. h. t. Jason. ad §. in personam no. 59.
Instit. de act. pag. (mibi) 59. Riminaldus ad Rb. no. 27. Wes. in ff. n. 2. h. t.
Dis. Bl. in Rb. de rer. permut. & multi alij à Rim. relati d. l. eum
qui 22. ff. h. t. §. actionum inst. de act. Tholos. d. lib. 28. c. 7. no. 5.
Wes. no. 3 ff. h. t. §. 1. §. perficiuntur inst. h. t. ubi Sneider. Mynsing. &
reliqui Dd. communiter: 2. juratur l. hoc jure 19. §. non ff. eod.
juncta l. nec ignorans 10. C. d. t. f. Necessario Donandi animus re-
quiritur.

quiritur. Donationis enim nomen per se non facit donationem, sed mens dantis & accipientis Dn. Heigius ad pr. no. 10. Inst. h. t. Hinc quando alia coniectura capi potest, in dubio donatio non presumitur l. verius 12. & l. cum de indebito 25. in pr. ff. de prob. Lipsienses Consult. const. Sax. part. 1. de contract. pag. 147. Adeo quod actus potius invalidus aestimetur, quam presumatur donatio l. si non §. si falso ubi Br. de cond. indeb. Gravetta cons. 142. n. 26. g Quia nemo sibi dat c. fin. de Inst. ap. Greg. 2. quia Donatio est ἀλλότριον ἀγαθόν, quod erga alterum exercetur.

III.

Sunt autem duæ præcipuæ Donationis species, a Vna simplex b altera relata c

a §. alia h. t. ubi Schneid. n. 6. Heig. n. 4. Tholos. d. c. 28. n. 6. Et d. Nicasius de Voerda. b De qua in hac disputatione, de altera in sequenti D. f. agam. Vocatur simplex a. etiam vera & absoluta, alias propria, directa, mera, item non mortis causa d. l. Senatus 35. & l. donatio 25. C. h. t. c Quæ Conditionalis, impropria, causalis, mortis causa donatio dicitur l. alienatum 76. §. Donationis verbum ff. de U. S.

IV.

Omnes, qui liberam rerum suarum administrationem habent, a & vel natura vel lege non prohibentur donare possunt. b

a l. filiusfamilias 7. ff. h. t. l. hac ratio 35. §. si servus 8. ff. de don. inter vir. & uxor. Dd. in §. 2. Inst. h. t. b. arg. l. mutus 43. §. ff. de procur. l. cum prator 12. ff. de iud. l. 1. §. 1. ff. de testibus.

V.

Natura donandi facultas adimitur infantibus a, mutis & surdis b furiosis c mente captis d senibus qui pueri effecti sunt e

A 3

al. pu.

a l. pupillus 11. ff. de adq. rerum dominio. Carent quoq; intellectu, nec ubi, quo tempore, & quomodo liberalitas exercenda sit scire possunt. b His enim bonorum administratio denegatur, & consequenter donatio. Cui accedit, quod loquendi & scribendi facultate priventur c l. Iulianus 10. ff. de Curat. fur. ubi Dd. d l. Modestinus, 23. in fin. h. t. e l. Senectus 16. C. Eodem.

VI.

Lege donationis titulo in aliquem conferre prohibentur Tutor Curator Administrator a Procurator b qui delinquendi & fraudem committendi animū habet c, minor res immobiles d is cui bonis interdicitur e mulier res dotales f non tamen paraphernales g & deniq; filiusfamilias. h

a l. non omni 16. C. de adm. tut. Administrare enim bona, non ea donare quod est perdere & dilapidare d. l. filiusf. 7. debent. Excepto tamē Principis tutore, qui rectē donat, si pro modo quem princeps observare solet, munificentiam exercet; hujus enim personam teste Jafone in l. pactum 22. C. de pact. representare dicitur b l. in adibus 9. §. quod filius 2. ff. h. t. Nisi hoc specialiter ei mandatum, & persona veluti Sempronij nominata sit argumento l. qui 56 ff. de solut. 2. qui ita donat, jussu & voluntate Domini donare existimatur c. q. quis 82. de R. juris in 6to. c. Quod n. in fraudem legis fit, ipso jure corrumpit l. sed si 14. §. pen ff. qui & à quibus manum. Ac ea, qua lege fieri prohibentur, si fuerint facta non solum pro inutilibus, sed etiam pro infectis habentur teste Mollero lib. 1. Semestr. cap. 6. d l. 2. ut not. Duar. C. si adversus Don. l. 1. ff. de min. ubi dicitur eorum judicium esse infirmum, & fragile, multis captionibus suppositum, multorumq; insidijs expositum: Hinc facile si donare eis liceret, patrimonij sui vires exhaurirent, & ad egestatem inopinatam pervenirent. Huc facit, quod bona alienare nequeant, nisi judicis decretum l. lex 22. C. de adm. int. interveniat

niat. Mobiles tamen si curatorem non habent, donare possunt. 2. Inst. de cur. Si enim eas administrant, non plane iudicio infirmo censentur Schneid. d. 9. e Qui & huic administratio bonorum interdicta est l. is cui ff. de V. O. ac mentis defectu laborare dicitur. l. his qui 12. in fin. ff. de tut. & cur. & c. Schneid. no. 49 h. t. & propter l. Julia prohibitionem t. t. ff. & C. de fundo dot. Sic jure Saxonico nec Uxor sine consensu mariti res suas alteri donare potest, cum sit in tutela Mariti Landrecht lib. 1. art. 45. ubi dicitur. Ein Weib mag ohne ihres Mannes willen nicht ihr gut vorgeben / darumb daß er mit ihr in der Gewehr sizet / denn Mann vnd Weib haben kein gezweyert Gut Landrecht art. 31. lib. 1. Excipiuntur tamen virgines & viduae, quæ licet tutores habeant, tamen rectè donant Landr. lib. 1. art. 45. Schneid. d. 9. no. 49. Non autem morbo laborantes: Dann kein Mann oder Weib kan in ihren Siechbett ohne der Erben laube / ihres Gutes ichtes vbergeben vber 5. Schilling wert. Weichbild art. 65. Sonsten aber so viel er vber das Bettbreth reichen mag. gl. in d. art. g. l. velles 6. ubi Bl. C. de revoc. Don. l. hac lege C. de pact. conv. Cynus in l. si pradium C. de jure dot. h. Quamvis liberam peculij administrationem habeant, nec enim adhuc ei cõceditur ut perdat d. l. 7. Sec^o est si in voluntate patris donet, vel sit senatoria, aut alterius dignitatis prout textus in d. l. loquitur: Ut & tunc quando Castrense, vel quasi castrense peculium habeat, in quo vicem patrisfamilias obtinet per vulg.

VII.

Vtrum verò Conjugalis Donatio valeat, gravis est controversia. Nos eam prohibitam asserimus.

1. Ne mutuato amore conjuges invicè spoliarentur donationibus non temperantes, sed profusa erga se facilitate abutètes. 2. Conjugalis concordia pretio conciliari videatur, quæ tamè solis animis non donationibus aestimanda, & cuiq; lucro præferenda l. reprehendenda 5. de inst. & substit. 3. Si ea rata esset, tunc donans pauperior

perior ex sua liberalitate, percipiens verò ditior fieret c. fin. x. de don. inter vir. & ux. Hinc obiter colligo, quod marito ab uxore donatio adipiscenda dignitatis gratia facta, pro quantitate ad eandem consequendam necessaria, jure valeat 1. Quia hoc modo uxor inde locupletior cum dignitatis & honoris mariti particeps efficiatur, fit. l. fœmina 8. ff. de senat. Idem in ijs, qua à marito uxori emtionis causa veluti pro usu rei domesticæ comparando, vel ut honestius culta ad se deduceretur, quippe sua causa potius donasse præsumitur l. si ut 5. §. interdum 10. ff. commod. vel simili causa, donata sunt, statuo Gayl. 2. obs. 38. & Myns. 2. obs. 33.

VIII.

Nisi morte confirmetur, a vel jurisjurandi religione salvetur b

a propter l. cum hic status 32. §. si 18. & §. si sponſus 22. & l. si stipulata 33. in pr. ff. de don. inter vir. & ux. l. 25. C. eod. Coras. 5. misc. 1. Neq; refert an à rei traditione, vel ejusdem promissione incipiat; Si enim traditio semper necessaria esset, utiq; leges ubiq; tandem exprimerent, cujus tamen contrarium ostendi potest, prout eleganter Faber 2. Conject. 8. demonstrat. Huc facit, quod leges generaliter & indistinctè loquantur, proinde generaliter & indistinctè exaudiendæ sunt litem 15. §. hoc 26. ff. de injurijs, l. de pretio 8. ff. de publ. in rem actione, Disſ. Bl. b 1. Quia dispositio Juris civilis non attenditur, quando juramentum citra dispendium salutis æternæ servari potest c. cum contingat x. de jurejurando. 2. Juramentum efficit ut actus omni meliori modo quo potest, etiamsi absq; juramento non valuiſſet, valeat Jason in l. si inſulam n. 35. ff. de V. O. & in l. convenit n. 8. ff. de Jurisd. omnium lud. junct. l. cum pater §. filius matrem ff. de leg. 2. Cui, accedit, quod jurans actum deliberatè & non levitè vel quadam facilitate facere intelligatur c. ex rescripto de jurejur. Modest. Pistor. p. 1. constit. 42. n. 12. Et contra juramentum interpositum venire alias periculosum sit c. ex literis de spons.

Nec

IX.

Nec inter patrem & filium durante patria potestate
donationem subsistere asserimus. *a*

a l. cum in bonis 11. C. de don. l. donationes 25. C. de donat. inter vi-
rum & uxorem l. donationes 31. §. pater 2. ff. eod. l. 2. in fin. ff. pro
herede, & l. 1. §. 1. ff. pro donato l. in suis 11. ff. de lib. & postb. Proba-
tur quoque ita. Quod pater & filius in sacris constitutus pro una
habeantur persona l. fin. C. de impub. & alijs substit. §. ei vero
inst. de inut. stip. l. cum scimus 22. C. de Agric. & Cens. iam ne-
mo sibi donare potest th. 1. lit. g. cum debeat esse distinctio inter
dantem & accipientem l. 1. ff. de aut. tut. hoc vero modo id quod à
patre filio datur ad ipsum recta via redit; Quicquid in super fi-
lius quarit, patri acquirit per vulg.

X.

Nisi similiter morte silentioque patris, *a* vel juramento
corroboretur. *b*

a Perseverantia enim & silentium usque ad mortem facit, ut con-
valescat donatio l. 31. §. 2. de don. l. 2. C. de inoff. don. 2. Quia hoc
casu cessat causa ob quam donatio inter has personas prohibita
est, cessabit igitur quoque effectus nempe jus patrie potestatis Br.
in l. frater à fratre n. 57. ff. de condict. indeb. Schneid. n. 79. h. t.
Gayl. 2. obs. 38. *b* juramentum enim est res spiritualis cum §. Lai-
cus de foro competenti, & anima vinculum, quod ne patrie po-
testatis ratio habeatur, efficit 2. Quia haec persona naturaliter in-
vicem obligantur l. frater à fratre ff. de condict. indeb. quae obli-
gatio vi juramenti talem efficaciam excitat c. quam vis de pact.
ut aliquid majus, ne sit frustratorium l. si quando 109. ff. de leg.
operetur. Imò tanta hujus vis est, ut pater non sibi, sed filio dona-
re censeatur Fach. 3. cont. 77. Gayl. 2. obs. 38. n. 8. & seq.

XI.

Porrò non solum benè merentibus amicis, *a* sed etiã
B igno-

ignotis & extraneis *b* honestis & inhonestis personis
c presentibus & absentibus *d* rem ratam & gratam
habentibus donari potest, *e*

a l. affectionis s. de Don. l. donationes 32. Eod. Petr. Greg. Tholoff.
lib. 28. cap. 9. n. 6. Bocer. disp. 22. de don. b l. in Extraneos 29. C. h.
t. Bocer. d. th. c. puta meretrici, cui donari potest l. Donatio-
nes in concubinam 31. h. t. & rectè: Affectio enim potius dantis
quam persona cui datur consideranda est, neq; meretrices quia
turpiter vivunt, ideò turpiter accipere videntur l. idem §. sed 3. ff.
de cond. ob turp. Excipimus tamen militis focariam l. 2. C. de don.
inter vir. & uxor. l. miles ita heredem §. mulier ff. de milit. test. l.
mulierem C. de his quib. ut indig. Quæ an rectè ad Clericos,
quibus concubinas penes se habere interdicitur l. eum qui C. de
Epis. & Cler. & Advocatos, qui militare dicuntur l. advocati
14. C. de advoc. Div. Jud. extendatur, disputatio edocebit. d. l. ab-
senti 10. & l. etiam l. nec ambigi l. C. h. t. c. si tibi absenti re prab.
in 6. c. l. si vero 8. l. sed etsi de bon. lib. 2. Invito enim beneficium
non datur l. invito 69. de R. l.

XII.

Res quoque cum corporales, tum incorporales, cum
mobiles tum immobiles modo sint donantis pro-
priae donari possunt, *a*

a d. l. in adibus h. t. vide l. 1. ff. de edil. Edicto l. 3. C. de serv. & aqua
l. pen. C. de lur. dot. Bocer. d. disp. th. 8. Coler. disp. 7. th. 8.

XIII.

Vtrum verò Donatio omnium bonorum valeat du-
bia est quæstio. Nos affirmantibus subscribimus.

1. Quilibet enim rei suæ moderator est l. in re 21. C. mandati. Et
hoc nisi esset ex Dominis non Domini efficerentur quod absur-
dum.

dum. 2. *Quia* sicuti invitis nobis res nostras alius retinere non
 debet *l. si ego* 9. §. 1. ff. de jure dot. *l. si filius* 25. §. *maritum* ff.
 soluto matrimonio: Ita nihil tam conveniens est naturali equi-
 tati, quam voluntatem Domini rem suam in alium transferri
 volentis ratam haberi. 3. Expresse probatur *l. si quis argentum*
 35. §. *sed* & 4. vers. *vel etiam totius*, & §. *si s. vers. vel totam sub-*
stantiam C. de don. *l. omnes* 17. §. 1. ff. *qua in fraud. cred. l. si to-*
tas 5. C. de inoff. Don. *Gayl.* 2. obs. 11. no. 11. *Dn. Arumæus* Ex. 6.
th. 15. *Coras.* 6. *miscell.* 17. *Vand.* 1. q. 3. *Hoen.* 6. *th.* 18. *Disß.* *Br.*
imola, Castr. & *Alex.* in *l. stipulatio hoc modo concepta* ff. de
V. O. *Bl.* *Fulgos*, & alij in fin. C. de pact. *Schneid.* in §. 2. n. 68.
h. t. *Fachin.* 6. *controv.* 87. *Rim. pr. Inst. de don.* n. 30. *Bonis annu-*
merantur actiones l. si legatus 30. §. *si quis* 1. ff. *ad SCtm. Trebell.*
l. 1. §. 1. ff. quorum bon. l. item 20. §. *ait* 7. ff. *de pat. hered.* Sic bona
 cum futura tum presentia donari posse putamus *l. ult. C. qua*
res pig. oblig. Licet enim apud nos incerta sint, tamen quia
 per rerum naturam certa sunt nec obligationem morantur §.
conditiones 7. *Inst. de V. O.* *Hart. Pist. quest.* 20. p. 1. *Coras.* &
Vand. dictis locis. *Disß.* *Fach.* 6. *controv.* 89. & *seqq.* *Schneid.* in §.
 2. no. 90. & 91.

XIV.

Cæterum perficitur Donatio vel traditione *a* vel nu-
 da promissione *b* sive eam donator in scriptis, sive
 sine scriptis *c*, idque verbis *d* feu literis *e* manifestet,
 ita tamen ut si donationis summa quingentos soli-
 dos *f* exsuperet, actis insinuetur, alias ea omiffa
 quoad excessum corrui, *g* nisi jurejurando firma-
 ta sit, *h*

B 2

a l. s.

*a l. 5. C. de contrah. stip. b Ex nova Justiniani constitutione l. je
 quis argentum 35. C. h. t. ubi donator ad rem tradendam obliga-
 tur §. 2. Inst. h. t. ubi Dd. c. Scriptura enim non est de Essentia dona-
 tionis, ea enim probationem rei gesta continere solet l. contrahi-
 tur 4. ff. de pig. & hyp. ac hinc perpetua dicitur Zas. in l. cum lex
 22. no. 4. ff. de ll. jung. l. pactum 7. C. de pact. l. 19. C. de fide Inst.
 l. 4. ff. eod. d. veluti si donator dicat dono tibi hanc rem e puta si
 presenti suam donationem scripto vel absentem per Epistolam;
 vel nuncium declaret l. si donatio s. cum l. seq. C. h. t. gl. in 6. eod. f.
 Solidus pro aureo communiter accipitur teste Myns. Inst. h. t. n. 7.
 & 8. g. propter l. 24. in pr. & seq. C. h. t. Nov. 162. 2. quia super-
 flua quasi non scripta habentur c. utile de R. l. in 6to. l. sancimus
 34. §. fin. C. h. t. Gayl. 2. obs. 5. no. 8. h. Quia juramentum quod
 non vergit in dispendium salutis aeterna servandum c. cum con-
 tingat x. de jurejur; quia est religionis species c. Etsi Christus d.
 t. cui omnino standum, ne via perjurij concedatur. Cui accedit
 nonnullam turpitudinem contineat, neq; bonis moribus Iuris Ca-
 nonici, ut nec publica utilitati, quemadmodum in alienatione
 fundi dotalis pacti de non succedendo & similibus videre est te-
 ste Gayl. 2. ob. 39. & Fachin. 3. cont. 83. Facit huc, quod cuilibet li-
 ceat ijs quae pro se introducta sunt, renunciare l. pen. C. de pact.
 l. pactum 46. ff. eod.*

XV.

Est autem Insinuatio summæ donatæ apud iudicem
 a factæ publicatio, ut actis b (quæ sunt scripturæ co-
 ram Iudice factæ) intimata plenam fidem habeat. c

*a l. illud 19. vers. actorum ubi gl. C. de SS. Eccles. l. acta ubi gl. &
 Dd. de re Jud. Facit hac insinuatio, ut donatio effectum suum
 sortiatur in alio loco, ubi bona extra territorium sita sunt. l. in
 hac 30. ibi quocunq; positarum C. h. t. b l. in hac & l. 32. & 34.
 Gayl. 2. obs. 39. Menoch. cons. 84. n. 50. Gayl. D. obs.*

Effe-

XVI.

Effectus Donationis sunt. Quod donator de Evictione rei donatæ non teneatur, *a* nisi stipulatione ea promissa, *b* vel dolo malo res aliena donata sit, *c*

a, Ne liberalitatis suæ pœnam patiatur *l. ad res donatas* 62. ff. de *Edil. Edicto*. & ne officium donatori sit damnosum *l. sed si quis* 7. ff. *quod test. aper. l. si se unus* §. quod verò in fin. ff. de *furt. Arum. decis. 4. lib. 1. n. 4. Hart. Pist. lib. 2. quæst. 10. n. 17. Caballinus in tractatu de Evictionibus* §. non dubitandum 4. pag. (mibi) 158. Nec refert an à traditione vel promissione incipiat, nullo enim casu, Evictionem præstare cogitur. Facit quod hæc distinctio legibus expressa non reperiatur. Imò contrarium ex *l. 2. C. h. t.* induci potest. Insuper constitutione Justiniani cavetur, ut sicut venditor, ita & donator rem tradere cogitur, qua tradita legi satisfiit, & per consequens ea evicta, donator Evictionis nomine conveniri nequit, cum lege hæc præcipiatur. *Dis. Caball. d. §. n. 3. 4. & s. b* Quia contractus ex conventionem legem accipiunt *l. 1. §. si conveniat* ff. de *pos. Boer. decis. 33. n. 26. & tunc jure Civili actio nascitur* §. nascitur *inst. de act. Goed. ad l. 90. no. 7. de V. S. c. l. Aristo 18. in fin. h. t. l. si 22. de V. O.*

XVII.

2. Quod rem tradere cogatur *a* 3, conventus non in solidum, sed in id tantum quantum facere potest, condemnetur *b* 4, nec ex pœnitentia res donata à donatore revocari possit *e*, nisi certis de causis.

a l. 55. ubi Dd. l. 12. h. l. Nov. 162. c. 1. vers. & sancimus, ad quam conditione ex lege cogitur *Wes. d. Nov. n. 7. l. 18. ubi Dd. h. t. b. l. 12. & 33. l. inter eos 19. §. ult. ibi: Nec totum quod habet extorquendum ei puto, sed ne egeat. c. l. qui 24. h. t. l. 8. & 10. C. eodem.*

XVIII.

B 3

Vt

Vt sunt 1. Donatarij ingratitude, a quæ in quinq; non pluribus b causis consistit. c

l. ult. C. h. t. Æquum enim est ne sit cuiq; licentia & alienas res capere & frugalitatem donatoris irridere, & doni datorem damno rerum suarum & injuria afficere. 2. Iniquum esset, pro beneficijs acceptis ingrati animi notam incurrere, cum magis Eos ad obsequia collata liberalitas inclinare, quam ad insolentiam erigere debeat l. Etsi h. t. a ut sunt si injurias atroces in eum effundat. 2. si manus impias & violentas illi inferat. 3. Si vita ejus insidietur. 4. Si grate damnum substantia donatoris imponat. 5. Si legem donationi appositam non impleat l. 9. 10. h. t. l. si repetendi C. de cond. ob causam. b i. Si enim plures admittenda essent, non opus fuisset speciali earundem Enumeratione: 2. Exprimitur dictione TANTUMMODO, quæ limitatoria & aliorum casuum non expressorum exclusiva Rauch b. 2. lib. quæst. 27. no. 32. Moll. lib. 1. Semestr. c. ult. n. 9. Dd. in l. 1. ff. si quis jus dic. non obtemp. 3. per c. odia d. R. I. in 6. Hic incidenter colligo Donatorem his minimè renunciare posse; Esset enim talis renunciatio contra bonos mores l. pacta 6. C. de pact. Ea verò quæ bonis moribus, honestati contrariantur, vel famam & opinionem laudunt, ea nec nos facere posse credendum est l. filius 15. ff. de condit. & demonstr. l. testis 23. §. vestimenta ff. de auro & leg. l. in eadē 10. ff. Ex quib. caus. maj. Et licet ista contra legem acciperetur, tamen per leges dissolveretur.

XIX.

2. Supervenientia Liberosum.

Nam si patronus, qui liberos non habet, donationis titulo in libertum bona sua omnia confert, & postea liberos susceperit, totum quicquid donatione largitus fuerit, revertatur in ejusdem ditione mansuram inquit Imp. in l. si unquam 8. C. h. t. Videtur enim ea conditione tacitè si sine liberis decessurus sit, illa donasse, & ob

Et ob supervenientiam liberorum revocaturum, nec verisimile est, quod liberto donasset, si de liberis cogitasset l. avus 102. ff. de condit. & demonst. Sic ea mente libertus hac accipere presumitur, ut liberis natis restitueret. Utrum vero d. l. si unquam 8. tr. de revoc. don. in quovis Extraneo locum habeat, magna est inter magni nominis viros disceptatio? Nos negativam tanquam juri veriore defendimus. 1. Quia est speciale quid in Patrono, quod non generaliter extendendum est 2. per can. ult. ibi in potestate habeat Episcopus 17. q. 4. 3. Huc facit quod verba secundum subjectam materiam (puta de patrono & liberto) sint intelligenda l. si uno ff. Locati, & ad illa restringenda de quibus cogitatum est l. qui cum 9. §. ei qui 3. ff. de transact. vid. Don. ad l. 8. n. 18. Tiraq. ibidem Fab. 7. conject. 14. & 15. Diss. Cujac. 20. obs. 5. Fach. 3. contr. 85. Myns. 5. obs. 63. Bronch. 3. ass. 74. An vero huic legi renunciari possit dubitatur? Nos cum Fachin. 3. cont. 64. Gayl. 1. obs. 40. no 15. & Myns. 5. obs. 63. n. 6. in negativam inclinamus.

XX.

3. Et inofficiosa Donatio. Si enim à parente contra naturæ officium uni ex liberis ultra dodrantem, vel ultra bessem, aut semissem donatum est, vel tota substantia impetū quodam immodicæ profusionis in Extraneum collata est, potest ea donatio querela inofficiosa a usque ad legitimam revocari. b

vid. Gayl. 2. obs. 38. & 116. a l. 2. 4. & 5. l. si mater 7. l. si liqueat. 8. C. h. t. b Cujac. 5. obs. 14. Mozz. quomo. annull. don. no. 91. Bocer. c. 3. n. 27. Et hac de Donatione simplici.

F I N I S.

μεροσφώνησις

Ad virum Humanissimum

Dn. CHRISTOPHORUM STÜBNERUM, amicum
suum de Donationibus disputantem,

M. Joan. Fausti Silesi.

VOraginosos expetis cur vortices
STÜBNERE Disputationem? an es
Pedissequæ submersionis nescius?
Nullus puto. Sed nota quamvis sit tibi
Ista, at tamen potestur haut abducere
Te, quin adites vortices hosce impavidè
Emersionis est tibi sat cognita
Via & Duci BLUMELIOTUO, Dic
Opes sacra cui credidit duplicis
Juris. Solutione docta & à tereti
Omnes, abibunt indubij tua, solent
Quotcunque castigare vestra themata.

§§§§

Ad politis. Dn. RESPONDENTEM Fautorem &
Contubernalem optatissimum.

S*ic ad Fame arcem recto pede tenditur: Ornas
Doctrinâ mentem, & praelia docta subis.
Maeste tua virtute: alio sub Sole calentes
Dein Academias cernere cura fiet:
Sic te prudentem facient auditâq; visâq;
Et Patriæ fies gloria magna Tua.*

M. JOHANN. Hartrauffe.

P. 320.



Leipzig, Diss., 1593/1613

ULB Halle

3


004 954 793



V17







Farbkarte #13

B.I.G.



BISMARCI.

XV.

TVBNERO

ma habenda

ELI LIPSI-
IANDI

CI.

ONE

O V.

GRATIA

1615, 2 / M

MM

2

